

სასერტიფიკაციო გამოცდების მომზადებისა და მართვის პოლიტიკა და პროცედურები

1. შესავალი

სასერტიფიკაციო გამოცდების მომზადებისა და მართვის პოლიტიკა და პროცედურები მომზადებულია საქართველოს პროფესიონალ ბუღალტერთა და აუდიტორთა ფედერაციის (ბაფი) მიერ სერტიფიცირებული ბუღალტრის სტატუსის მამიებელი კანდიდატების პროფესიული სერტიფიცირების გამოცდებისათვის. იგი მოიცავს სასერტიფიკაციო პროგრამისა და სრული სასერტიფიკაციო პროგრამის საგამოცდო პროცედურებს.

სერტიფიცირებული ბუღალტრის სტატუსის მოპოვება შესაძლებელია კანდიდატის:

- ა) სასერტიფიკაციო პროგრამაში მონაწილეობით; და
- ბ) სრულ სასერტიფიკაციო პროგრამაში მონაწილეობით.

სასერტიფიკაციო გამოცდაში მონაწილეობა გულისხმობს კანდიდატის მიერ სასერტიფიკაციო გამოცდების ჩაბარებას შემდეგ სასწავლო კურსებში:

- 1. „ფინანსური აღრიცხვა და ანგარიშგება“
- 2. „აუდიტი“
- 3. „ბიზნესის მართვა და რისკი“
- 4. „ბიზნესსამართალი“
- 5. „საგადასახადო დაბეგვრა“

ჩამოთვლილი სასწავლო კურსები შეესაბამება სრული სასერტიფიკაციო პროგრამის შემდეგ მოდულებს:

- 1. P1 კორპორაციული მართვა, რისკი და ეთიკა (უმაღლესი დონე)
- 2. P2 კორპორაციული ანგარიშგება (უმაღლესი დონე)
- 3. P7 აუდიტი და მარწმუნებელი მომსახურება (უმაღლესი დონე)
- 4. F4 ქართული ბიზნესსამართალი
- 5. F6 საგადასახადო დაბეგვრა

სრული სასერტიფიკაციო პროგრამის (ფარგლებში კანდიდატები აბარებენ ACCA-ს ადაპტირებული პროგრამით გათვალისწინებულ 14 მოდულს. კანდიდატები გამოცდებისათვის ემზადებიან დამოუკიდებლად ან ბაფის პროფესიონალ ბუღალტერთა ინსტიტუტის სასწავლო პროცესში მონაწილეობით.

სრული სასერტიფიკაციო პროგრამის ფარგლებში კანდიდატები გამოცდებს აბარებენ შემდეგ მოდულებში:

1. F1. ბუღალტერი ბიზნესში
2. F2. მენეჯერული აღრიცხვა
3. F3. ფინანსური აღრიცხვა
4. F4 ქართული ბიზნესსამართალი
5. F5. საქმიანობის შედეგების მართვა
6. F6 საგადასახადო დაბეგვრა
7. F7 ფინანსური ანგარიშგება
8. F8 აუდიტი და მარწმუნებელი მომსახურება
9. F9 ფინანსური მართვა
10. P1 კორპორაციული მართვა, რისკი და ეთიკა
11. P2 კორპორაციული ანგარიშგება
12. P3 ბიზნესის ანალიზი
13. P4 ფინანსური მართვა (უმადლესი დონე)
14. P7 აუდიტი და მარწმუნებელი მომსახურება (უმადლესი დონე)

სასერტიფიკაციო გამოცდები ტარდება წელიწადში ორჯერ: ზაფხულის სესიაზე - ივლისში და ზამთრის სესიაზე - იანვარში.

სასერტიფიკაციო გამოცდები წარიმართება ბუღალტრული აღრიცხვის, ანგარიშგებისა და აუდიტის ზედამხედველობის სამსახურის მიერ აღიარებული საგამოცდო პროცესების შესაბამისად.

კანდიდატების დაშვება გამოცდაზე

მიმოხილვა

გამოცდის ჩატარების თარიღამდე ბაფი ატარებს კონტროლის ზომებს, რათა უზრუნველყოს გამოცდის ჩაბარება (ა) მხოლოდ უფლებამოსილი კანდიდატების მიერ და (ბ) ისეთ პირობებში, რომელიც სამართლიანია კანდიდატისთვის, მაგალითად, კანდიდატების სპეციალური საჭიროებების დაკმაყოფილება.

კანდიდატების გამოცდაზე დაშვება

პირის გამოცდაზე დასაშვებად აუცილებელი ბაფში კანდიდატად რეგისტრაცია. რეგისტრაციის მიზანია იმაში დარწმუნება, რომ კანდიდატი აკმაყოფილებს სასერტიფიკაციო გამოცდებში მონაწილეობისათვის დადგენილ მოთხოვნებს. კანდიდატად რეგისტრაციისათვის პირს მოეთხოვება შემდეგი დოკუმენტების წარდგენა:

- განცხადება;
- განათლებისა და პირადობის დამადასტურებელი დოკუმენტი;
- კანდიდატის ანკეტა (დანართი 5);
- ფოტოსურათი მატერიალური და ელექტრონული ფორმით.

რეგისტრაციის შემდეგ კანდიდატს ენიჭება რეგისტრაციის ნომერი და გადაეცემა პაროლი გამოცდაზე ელექტრონულ რეგისტრაციისათვის.

ყოველ გამოცდაზე გასვლის უფლების მოსაპოვებლად კანდიდატი რეგისტრაციას გადის ბაფის კანდიდატთა მონაცემთა ბაზაში <http://lms.accatraining.ge/projects/gfpaa/login/student/index.php> ონლაინ რეჟიმში. რეგისტრაციის წესები აღწერილია მე-7 დანართში. კანდიდატის ონლაინ განაცხადი გადამოწმდება განათლების კოორდინატორის მიერ და ადასტურებს მის გამოცდაზე დაშვების შესაძლებლობას. კანდიდატს შესაძლებლობა აქვს მისი განცხადების დაკმაყოფილებაზე აღნიშნავ ნახოს საკუთარი პაროლის გამოყენებით. გამოცდაზე რეგისტრაცია წყდება საგამოცდო თარიღამდე 10 დღით ადრე. რეგისტრაციის შეწყვეტის შემდეგ განათლების კოორდინატორი ამზადებს კანდიდატების ერთიან სიას საგამოცდო მოდულების ჭრილში და გადასცემს განათლების კომიტეტს.

განათლების კომიტეტი ამტკიცებს გამოცდაზე გამსვლელი კანდიდატების სიას. იგი გადაეცემა მთავარ ზედამხედველს გამოცდაზე გამოცხადებული კანდიდატის რეგისტრაციაში გასატარებლად.

კომიტეტის თავმჯდომარე ადგენს საგამოცდო ცენტრში საგამოცდო ოთახების მიხედვით კანდიდატების განაწილების შესაძლებლობებს და ამზადებს კანდიდატების განთავსების გეგმას.

კანდიდატებისათვის განკუთვნილი ინსტრუქციები

კანდიდატებს რეგისტრირების დროს გადაეცემათ სამახსოვრო (დანართი 7), სასერტიფიკაციო პროგრამაში მონაწილეობისა და საგამოცდო ინსტრუქციებთან დაკავშირებით.

კანდიდატებს შესაძლებლობა აქვთ, გამოცდის თარიღამდე საკმაო ხნით ადრე გაეცნონ საგამოცდო წესებს/ინსტრუქციებს ბაფის ვებგვერდის გამოყენებით. ინსტრუქციები მუდმივად განთავსებული ვებ-გვერდებზე.

კანდიდატებისათვის განკუთვნილი ინსტრუქციები მოიცავს შემდეგ მნიშვნელოვან ინფორმაციას:

- კანდიდატის გამოცდაზე დაშვების კრიტერიუმების დაკმაყოფილებასთან დაკავშირებულ წესები;
- გამოცდის ჩატარების დრო და ხანგრძლივობა;
- საგამოცდო ცენტრში გამოცხადებისა და საგამოცდო ცენტრის დატოვების დროსთან დაკავშირებული წესები;
- გამოცდაზე დაშვებული ნივთები: კალმები, ფანქრები, საშლელები, კალკულატორები,;
- ვინაობის დამადასტურებელი დოკუმენტის მოთხოვნილი ფორმა;
- არასათანადო მოქცევის განმარტება და მასთან დაკავშირებული სანქციები;

- ინფორმაცია შედეგების შეტყობინების შესახებ;
- სპეციალური განხილვის /გასაჩივრების პროცესი.

მე-9 დანართში დეტალურად არის აღწერილი კანდიდატებისათვის განკუთვნილი საგამოცდო ინფორმაცია.

სპეციალური საჭიროებების მქონე კანდიდატები

სპეციალური საჭიროებების მქონე კანდიდატებს ბაფი სთავაზობს შემდეგი ტიპის საშუალებებს:

დაქვეითებული სმენის შემთხვევაში: კანდიდატის განაცხადის საფუძველზე განათლების კომიტეტის მიერ მომზადდება დამატებითი წერილობითი ინსტრუქცია.

დაქვეითებული მხედველობისას: კანდიდატის განაცხადის საფუძველზე, საგამოცდო კითხვები მომზადდება უფრო დიდი შრიფტით. უზრუნველყოფილი იქნება სპეციალური განათება, გამოცდის წაკითხვაში დახმარებისათვის დამატებითი დროის გამოყოფა (საკითხი გადაწყდება ინდივიდუალურად);

საგამოცდო ცენტრის შერჩევისას გათვალისწინებული იქნება შეზღუდული მობილურობის მქონე კანდიდატების მდგომარეობა და შეირჩევა ისეთი ობიექტი, სადაც ფიზიკურად ადვილია შესვლა. გარდა ამისა, შეიძლება განათლების კომიტეტის გადაწყვეტილებით, მათ ასევე დამატებითი დროც გამოეყოთ;

სპეციალური საჭიროებების მქონე კანდიდატებმა განათლების კომიტეტს უნდა მიმართონ განცხადებით გამოცდის თარიღამდე ერთი თვით ადრე.

მე-10 დანართში წარმოდგენილია სპეციალურ პირობებში გამოცდის ჩაბარების განაცხადის ნიმუში.

გამოცდის ჩატარება

საგამოცდო ცენტრის შერჩევა

ყველა კანდიდატის გამოცდა ტარდება ერთ ცენტრში. აპრობირებული და გამოცდილი მიდგომებიდან გამომდინარე გამოცდები ტარდება ბაფის პროფესიონალ ბუღალტერთა ინსტიტუტის შენობაში. გამოცდაზე ზედამხედველობას ახორციელებენ ბაფის განათლების კომიტეტის მიერ შერჩეული, სათანადო უნარ-ჩვევებისა და წლების მანძილზე დაგროვილი გამოცდილების მქონე ზედამხედველები.

კანდიდატების რაოდენობის სიჭარბის ან/და სხვა გარემოებიდან გამომდინარე, საჭიროების შემთხვევაში, განათლების კომიტეტი შეარჩევს სხვა საგამოცდო ცენტრს.

განათლების კომიტეტი საგამოცდო ცენტრის შესარჩევად გამოიყენებს კრიტერიუმებს, რომლის მიხედვით ყველა კანდიდატს ექმნება ერთნაირი და გონივრული კომფორტი და ამავე დროს უზრუნველყოფილი იქნება საგამოცდო პროცესის უსაფრთხოება და დაცულობა. კერძოდ, ცენტრის შერჩევისას გათვალისწინებული იქნება:

- გონივრულად ადვილად მისადგომია თუ არა ავტომობილების, ან საზოგადოებრივი ტრანსპორტისთვის და ცენტრის შენობის მახლობლად საკმარისი ავტოსადგომებია თუ არა;
- კომფორტულია თუ არა, არის თუ არა სათანადო გათბობის და გაგრილების შესაძლებლობა;
- უზრუნველყოფილია თუ არა სათანადო განათებითა და ვენტილაციით
- აკმაყოფილებს თუ არა სახანძრო უსაფრთხოების სტანდარტებს და აქვს თუ არა ადვილად მისადგომი საავარიო გასასვლელები;
- შესაძლებელია თუ არა კანდიდატებს შორის საკმარისი მანძილის დაცვა. საკმარისი მანძილის განმსაზღვრელია შემდეგი:
 - ✓ 2.2 კვ.მ. ფართობი ერთ კანდიდატზე;
 - ✓ ინდივიდუალური მაგიდები ზომით 0,5მ. x 0,75 მ-ზე;
 - ✓ მაგიდების დაშორება წინ, უკან ან გვერდით მდგომი მაგიდიდან 1 მ.
 - ✓ ინდივიდუალური მაგიდის ალტერნატივაა 1,8-2 მ. სიგრძის მაგიდა 2 კანდიდატისათვის;
- დაცულია თუ არა ხელშემშლელი ხმაურისგან;
- აღჭურვილია თუ არა საგამოცდო მასალების შესანახი ადვილად მისადგომი და უსაფრთხო ადგილით;
- გამოყოფილია თუ არა სამუშაო ადგილი ზედამხედველებისთვის;
- საათი ისეთ ადგილას არის თუ არა განთავსებული, რომ ყველა კანდიდატს შეეძლოს მისი დანახვა;
- შესაძლებელია თუ არა ოთახში შესვლისა და გამოსვლის გაკონტროლება; და
- ტუალეტები მოწყობილია თუ არა ხელსაბანებისთვის გამოცალკევებული ადგილით, საიდანაც შეიძლება შესვლისა და გამოსვლის გაკონტროლება.

გამოცდებისათვის მომზადება

- სერტიფიცირების პროგრამაში ჩართული კანდიდატი ბაფის გამოცდებისათვის ემზადება დამოუკიდებლად ან/და პბი-ში;
-
- გამოცდებისათვის მოსამზადებლად კანდიდატები უზრუნველყოფილნი არიან ACCA -ის წიგნებით, რომლის თარგმნა-გამოცემის უფლებამოსილება მოპოვებული აქვს ბაფს;
- გამოცდების ჩატარებას ხელმძღვანელობს განათლების კომიტეტი;
- განათლების კომიტეტი უზრუნველყოფს საგამოცდო ტესტების მომზადებას და კანდიდატთა ცოდნის შეფასებას.
- განათლების კომიტეტის ვალდებულებაა კანდიდატთა ცოდნის შეფასება, ნამუშევრების აუდიტი და გასაჩივრებული ნამუშევრის განხილვა.
- განათლების კომიტეტი ადგენს გამოცდების ჩატარების წესებს, კანდიდატების გამოცდაზე ქცევის ნორმებს და აკონტროლებს მათ შესრულებას.

გამოცდების განრიგი და დამთხვევა

ქვემოთ მოცემული ინფორმაციის გათვალისწინება აუცილებელია ახალი მოდულების არჩევისას, რათა შემდგომში არ მოხდეს არჩეული მოდულების მიხედვით საგამოცდო დღეების გადაფარვა.

გამოცდების განრიგი

ერთსა და იმავე დროს გამოცდები ჩატარდება შემდეგ მოდულებში:

1. მოდულები: F3; P4
2. მოდულები: F2; P7; F5
3. მოდულები: F6; F7; P2; P1
4. მოდულები: F4; F8; F9; P3
5. მოდული: F1

საგამოცდო დროის ხანგრძლივობა:

- ა) F1; F2 და F3 მოდულებში - 2 საათი და 15 წუთი;
- ბ) დანარჩენ მოდულებში - 3 საათი და 30 წუთი.

საგამოცდო პროცედურები

- კანდიდატი ვალდებულია, გამოცდამდე 10 დღით ადრე გამოცდაზე დარეგისტრირდეს ელექტრონულად (on-line) გამოცხადებული წესების მიხედვით.
- ერთ საგამოცდო პერიოდში კანდიდატი დაიშვება არა უმეტეს 3 გამოცდაზე.
- ბაფის მიერ პროფესიული სერტიფიცირების პროგრამის (ACCA) გამოცდები ტარდება წელიწადში ორჯერ, ყოველი წლის ივლისსა და იანვარში.
- კანდიდატი გამოცდაზე რეგისტრირდება ონლაინ რეჟიმში (on-line).
- კანდიდატი გამოცდაზე დაიშვება პირადობის მოწმობისა და ბაფის წევრობისა მოწმობის წარდგენის შემდეგ.
- გამოცდების დამთავრების შემდეგ კოდირებული ნამუშევრები გადაეცემა შემფასებლებს.
- კანდიდატების გამოცდების შედეგები ქვეყნდება წინასწარ გამოცხადებულ თარიღში ბაფის ვებგვერდზე www.gfpaa.ge
- ნამუშევრების გასწორება და აუდიტი უნდა დასრულდეს გამოცდების დამთავრებიდან 20 დღის ვადაში.
- წარმატებულად მიიჩნევა კანდიდატის ნამუშევრი, რომელიც შესაძლო მაქსიმალური 100 ქულიდან დაიმსახურებს მინიმუმ 50 ქულას და მეტს.

- კანდიდატი უფლებამოსილია გაასაჩივროს შეფასების შედეგი მისი გამოქვეყნებიდან სამი დღის ვადაში.
- კანდიდატმა უნდა გადაიხადოს გასაჩივრების შესაბამისი თანხა (50 ლარი) და განათლების კომიტეტისაგან მოითხოვოს ნაშრომის ანალიზი, თუ კანდიდატს გამოცდის შეფასების ქულა შეეცვალა და დააკმაყოფილა შეფასების სტანდარტი, მას უბრუნდება გადახდილი (50 ლარი) საფასური.
- კანდიდატს გადაეცემა შემფასებლის მიმოხილვა თავის ნაშრომზე.
- ხელახალ შეფასებას ექვემდებარება ნაშრომი, რომლის შეფასება მოექცევა 45-55 ქულიან შუალედში.
- პირველ ცდაზე წარუმატებლობის შემთხვევაში, მომდევნო საგამოცდო პერიოდში კანდიდატს შესაძლებლობა ექნება, ხელახლა ჩააბაროს გამოცდა იმავე მოდულში, კანდიდატი იხდის განმეორებით გამოცდაზე გასვლის საფასურს.
- • კანდიდატის ნამუშევრები და ტესტების ნიმუშები გამოცდების დამთავრებიდან ექვსი თვის განმავლობაში ინახება განათლების კომიტეტში.

მე-9 დანართი - გამოცდებისათვის დადგენილი წესები

1. გამოცდაზე ქცევის წესები

- კანდიდატი გამოცდაზე უნდა გამოცხადდეს მის დაწყებამდე სულ მცირე **30 წუთით ადრე**;
- დაგვიანების შემთხვევაში კანდიდატი გამოცდაზე დაიშვება მხოლოდ მაშინ, თუ გამოცდის დაწყებიდან არ იქნება გასული 30 წუთზე მეტი;
- გამოცდის დაწყებამდე ყველა **კანდიდატმა უნდა იცოდეს თავისი ადგილი** აუდიტორიაში;
- F1, F2 და F3 მოდულებში გამოცდები მიმდინარეობს 2.25 საათი, ხოლო დანარჩენ მოდულებში - 3.50 საათი;
- კანდიდატმა რეგისტრაციისას უნდა წარმოადგინოს **ბაფის წევრობისა და პირადობის დამადასტურებელი (სურათიანი) მოწმობები**;
- კანდიდატი ვალდებულია, საგამოცდო მაგიდაზე გამოცდის დამთავრებამდე ედოს პირადობისა და ბაფის მოწმობა;
- კანდიდატმა **თან უნდა იქონიოს** კალკულატორი, სახაზავი, კალამი, ფანქარი, საშლელი, სათლელი - ეს ნივთები გამოცდაზე არ გაიცემა;
- ხელჩანთები საგამოცდო აუდიტორიაში უნდა მოთავსდეს ზედამხედველის მიერ **შესაბამისად გამოყოფილ მაგიდაზე**;
- კანდიდატს საგამოცდო წესების დარღვევად ჩაეთვლება ჰოლში წიგნებით სარგებლობა;
- გამოცდაზე არ დაიშვება **ჩართული მობილური ტელეფონების** შეტანა;
- კანდიდატებს გამოცდის მიმდინარეობისას ეკრძალებათ ერთმანეთთან **საუბარი**;

- კანდიდატს უფლება აქვს, მოსაწევად ან ტულეტში გავიდეს მხოლოდ გამოცდაზე მეთვალყურის ნებართვით, გამოცდის დაწყებიდან **ერთი საათის შემდეგ**;
- კანდიდატს უფლება არა აქვს, მოსაწევად ან ტულეტში გავიდეს გამოცდის დასრულებამდე **ბოლო 30 წუთის განმავლობაში**;
- გადაწერის ან გადაჩურჩულების მცდელობისას, კანდიდატი **მოიხსნება გამოცდიდან**.
- კანდიდატმა **მუშაობა უნდა შეწყვიტოს** ზედამხედველის მიერ გამოცდის დამთავრების შესახებ გამოცხადებისთანავე.

2. აკრძალვა

- აკრძალული და დაუშვებელია საგამოცდო ოთახებში შემდეგი ნივთების შეტანა:
 - რვეულები, ქაღალდები, წიგნები, ან სხვა სასწავლო მასალა ნებისმიერ ფორმატში, ან ნებისმიერი ტიპის ინფორმაციის მატარებელი საგანი, გარდა ბაფის მიერ დამტკიცებულია;
 - მობილური ტელეფონები, ან სხვა ელექტრონული მოწყობილობები: მათ შორის პერსონალური ციფრული ასისტენტი (PDAs), უკაბელო ელფოსტის მოწყობილობები, აიპოდი, აუდიო ფაილების (MP3) ფლეიერი, პეიჯერი, კამერა, რადიო, ჩამწერი მოწყობილობები, ჯიბის კომპიუტერი, პროგრამირებადი საათები;
 - ყურსასმენები, ან მიკროფონიანი ყურსასმენები; და
 - ნებისმიერი სახის იარაღი.
- აკრძალულია სხვისი ხელისშემშლელი მოქცევა და ასევე წერის დაწყება, ან გაგრძელება გამოცდის ოფიციალურად დაწყებამდე ან დასრულების შემდეგ, ან გამოცდის შეჩერების დროს.
- აკრძალულია გამოცდის მიმდინარეობისა და დასრულების შემდეგ საგამოცდო კითხვების, პასუხების რვეულების და რაიმე სახის ჩანაწერების გატანა საგამოცდო ოთახიდან.

3. სხვა წესები

- ბაფის გამოცდაზე დასაშვებად ყველა კანდიდატმა უნდა გაიაროს on-line რეგისტრაცია, მონაცემთა ბაზაში მითითებული წესების მიხედვით გამოცდამდე 10 დღით ადრე.
- თუ გამოცდაზე დარეგისტრირების შემდეგ **ვერ ახერხებთ გამოცდაზე გასვლას**, გამოცდებამდე **5 დღით** ადრე, წერილობით მიმართეთ ბაფის ადმინისტრაციას, გააუქმეთ გამოცდის განაცხადი და გამოცდის თანხა (180 ლარი) კრედიტში შეგენახებათ, **წინააღმდეგ შემთხვევაში, გადახდილი თანხა აღიარდება შემოსავლად (ტელეფონით ინფორმაცია არ მიიღება).**
- არასწორ ანგარიშზე გადახდის შემთხვევაში, პრედენდენტმა გამოცდამდე უნდა გამოასწოროს დაშვებული შეცდომა და თანხა გადაიტანოს შესაბამის ანგარიშზე.
- ყველა გამოცდა დაიწყება 11.00 საათზე, რეგისტრაცია -10.00 სთ.
- გამოცდაზე სავალდებულოა ბაფის წევრობისა და პირადობის მოწმობის წარმოდგენა და რეგისტრაციის ნომრის ცოდნა.
- ბაფის გამოცდების შედეგები ქვეყნდება ვებგვერდზე: www.gfpaa.ge

- გამოცდის შედეგის გასაჩივრება მოხდება გამოცდის შედეგის გამოქვეყნებიდან სამი დღის ვადაში მისამართზე: წერეთლის გამზირი #61. მითითებული დროის შემდეგ განცხადებები აღარ მიიღება.

4. გამოცდებზე გასათვალისწინებელი

ა) F1, F2 და F3 მოდულებში:

- ჩაწერეთ რეგისტრაციის ნომერი სამუშაო რვეულის გარეკანზე.
- იმუშავეთ მხოლოდ ბურთულიანი კალმით. ფანქრით ნაწერი არ გასწორდება.
- ტესტით მოთხოვნილი პირობის შესაბამისად, შეარჩიეთ სწორი პასუხი და გააფერადეთ პასუხის ფურცელზე.
- არ დატოვოთ გაუფერადებელი არც ერთი ტესტის პასუხი.
- გამოცდის დაწყების შემდეგ ზედამხედველებს არ დაუსვათ კითხვები.

ბ) დანარჩენ მოდულებში:

- ჩაწერეთ რეგისტრაციის ნომერი სამუშაო რვეულის გარეკანზე.
- იმუშავეთ მხოლოდ ბურთულიანი კალმით. ფანქრით ნაწერი არ გასწორდება.
- ყველა ამოცანის ამოხსნა დაიწყეთ ახალი ფურცლიდან და მიუთითეთ ამოცანის ნომერი.
- ყველა ძირითადი გაანგარიშება, რომელშიც ქულები უნდა მიიღოთ, დაწერეთ რვეულის მარჯვენა გვერდზე. ფანქრით მუშაობა დასაშვებია, მხოლოდ რვეულის მარცხენა მხარეს (იგი გასწორებას არ ექვემდებარება).
- გამოცდის დაწყების შემდეგ ზედამხედველებს არ დაუსვათ კითხვები.
- თუ, თქვენი აზრით, ამოცანის პირობაში შეცდომაა, ანიშნეთ ზედამხედველს და აცნობეთ მას თქვენი მოსაზრება. არ გაამჟღავნოთ თქვენი მოსაზრება სხვა კანდიდატებთან, რადგან ცრუ განგაშმა შეიძლება სხვები დააზარალოს.

გამოცდებზე ონლაინ რეგისტრაცია

1. წესები და ინფორმაცია გამოცდებზე ონლაინ (On-Line) დარეგისტრირების შესახებ

- ყოველი წლის ზამთრის გამოცდებისათვის 10 იანვრამდე (მოდულებში F4, F6, F7, F8, F9, P1, P2, P3) და 20 იანვრამდე (მოდულებში F2, F3, F5, P4, P7), ხოლო ზაფხულის გამოცდებისათვის 30 ივნისამდე (მოდულებში F4, F6, F7, F8, F9, P1, P2, P3) და 7 ივლისამდე (მოდულებში F2, F3, F5, P4, P7) მიმდინარეობს ბაფის გამოცდებზე ელექტრონული რეგისტრაცია.
- ზემოთ მითითებული თარიღების შემდეგ ბაფის მონაცემთა ბაზაში გამოცდაზე On-Line დარეგისტრირებას ვეღარ შეძლებთ.

- გამოცდებზე ელექტრონული ვერსიით On-Line დარეგისტრირებისას კანდიდატს უნდა ჰქონდეს საკუთარი რეგისტრაციის ნომერი და პაროლი, რითაც შევა საკუთარ გვერდზე ბაფის მონაცემთა ბაზაში. <http://lms.accatraining.ge/projects/gfpaa/login/student/index.php>
- On-Line რეჟიმში გამოცდებზე დარეგისტრირებამდე კანდიდატს უკვე უნდა ჰქონდეს გადახდები შესრულებული, გადახდის ქვითრები დასკანერებული (გადახდის ქვითრები უნდა მოთავსდეს A4 ფორმატის ერთ ფურცელზე, ისე რომ ერთად იყოს მოთავსებული ყველა დოკუმენტი) და On-Line რეგისტრაციისას ატვირთოს ეს დოკუმენტები:
 1. გამოცდის საფასურის ქვითარი;
 2. ბაფის საწევროს გადახდის დამადასტურებელი ქვითარი;
- არასრული გადახდის ანდა არასწორი გადახდის შემთხვევაში, კანდიდატი რეგისტრაციას ვერ დაასრულებს (რეგისტრაციაზე დასტურს ვერ მიიღებს). ამის შესახებ ინფორმაციის წაკითხვა მას შეუძლია კომენტარის ველში, რომელიც გამოჩნდება სტატუსზე მაუსის დაჭერის შემდეგ, სადაც ზუსტად იქნება მითითებული დაბლოკვის მიზეზი.
- მხოლოდ მიზეზის აღმოფხვრის შემდეგ მოხდება ბაფის ადმინისტრაციის მიერ დასტურის გაცემა კანდიდატის მოთხოვნაზე.

კანდიდატმა გადახდის ქვითრები უნდა შეინახოს გამოცდის ბოლომდე (საჭიროებისამებრ, წარმოადგინოს ბულალტერთან).

2. გამოცდაზე რეგისტრაციის ინსტრუქცია

გამოცდაზე რეგისტრაციისათვის ბაფის მონაცემთა ბაზაში კანდიდატმა საკუთარ გვერდზე უნდა ნახოს შემდეგი ღილაკები:

- = გამოცდაზე რეგისტრაცია =
- გამოცდაზე რეგისტრაციის მოთხოვნის დამატება = (მარცხნივ + გამოცდაზე რეგისტრაცია)
- გავეცანი და ვეთანხმები აღნიშნულ წესებს V
- = ეტაპის არჩევა = (სკოლა-პროგრამაში)
- = წიგნის არჩევა = (ჯგუფში ორი წკაპი)
- = გადახდის ქვითრების ატვირთვა = (choose file)
- = მოთხოვნის დასრულება = (დამახსოვრება)

გადახდის ქვითრების ატვირთვისა და მოთხოვნის დასრულების შემდეგ, აუცილებელია კანდიდატმა სტატუსის ღილაკზე მიიტანოს ან დააჭიროს მაუსი (სადაც წერია:)

- = რეგისტრაციის მოთხოვნა დაუსრულებულია =

ავტომატურად გადადიხართ კვლავ წიგნებში რეგისტრაციაზე და დააჭირეთ:

- = დამახსოვრება/რეგისტრაციის მოთხოვნის დასრულება = ღილაკს.

(ამ დილაკზე მაუსის დაჭერის გარეშე, თქვენი მოთხოვნა ჩვენთან არ იგზავნება და ის მხოლოდ თქვენს გვერდზე ჩანს.)

იმავე სტატუსთან (სტატუსის ქვემოთ მოთავსებულ გამოსახულებაზე) მაუსის მიტანისას ამის შემდეგ დაიწერება:

- = მოთხოვნა ელოდება დადასტურებას =

მხოლოდ ამ შემთხვევაშია თქვენი მოთხოვნა ჩვენთან გამოგზავნილი და არა სხვა შემთხვევებში.

ადმინისტრატორი გადაამოწმებს თქვენს გადახდებს და, თუ ყველაფერი სწორია, თქვენს მოთხოვნას დაადასტურებს. ამის შემოწმება ხდება სტატუსთან მაუსის მიტანისას, სადაც გამოჩნდება შეტყობინების ფანჯარა:

- = დადასტურებულია = (V- მწვანე ფერის).

თუ არ არის სწორი, მაშინ მოთხოვნა არ დადასტურდება და შეგიძლიათ მიზეზს გაეცნოთ მესიჯის ველში (გამოჩნდება მაუსის დაჭერის შემდგომ სტატუსის ქვემოთ მოთავსებულ ფიგურაზე) და გამოასწოროთ.

გამოსწორებისა და დასტურის შემთხვევაში, კანდიდატს არჩეული მოდული დაუფიქსირდება თავის გვერდზე: გრაფიკსა და შეფასებაში.

თუ კანდიდატი დარეგისტრირების შემდეგ ვეღარ ახერხებს გამოცდაზე გასვლას, გამოცდებამდე **5 დღით ადრე**, წერილობით უნდა მიმართოს ბაფის ადმინისტრაციას, გააუქმოს განაცხადი და გამოცდის თანხა კრედიტში შეენახება. წინააღმდეგ შემთხვევაში, გადახდილი თანხა აღიარდება შემოსავლად.

ბაფის მონაცემთა ბაზის ლინკი (რეგისტრაციის ნომერი და პაროლი) ტელეფონით არ გაიცემა.